



Krink Ech.

Häärkes knippe.

Mörge mó't ich nao de kapper
En det vènj ich gaar neet leuk.
Altied es ich dao vanaaf kóm
Krats ich mich duchtig vanne jeuk.

Want dae kapper mit zien sjieërke
Kniptj krölkes en get speerkes weg, hieël krek.
De meiste haore valle vlot nao ónger
Mer vööl vèltj ouch in miene nek.

Bön ich klaor, zèk ich nog neet èns danke.
Väör mien kapsel, kort en rech.
Ich kós waal zumpe en gaon janke
Den mer flink get gel d'rin en hieël vlot weg.

**Leonie v. Hulten v. Rhee.
Echs: Piet Aben.**

